

Obavijest za medije
-svim urednicima i novinarima-

Zbog povećanog interesa javnosti i medija za predmete koji se procesuiraju pred Posebnim odjelom za korupciju, organizirani i međukantonalni kriminal Vrhovnog suda Federacije Bosne i Hercegovine (Posebni odjel), a kako bi se osiguralo pravilno, transparentno i efikasno postupanje u vezi sa medijskim praćenjem ovih postupaka, obavještavam vas o slijedećem:

1. Sudska ročišta su u pravilu javna, osim kada sud donese odluku o isključenju javnosti. To znači da svaka osoba, uključujući i novinare, može, bez ičije prethodne saglasnosti pristupiti u sudnicu, te pratiti suđenje i sačinjavati svojeručne bilješke. Odluku o isključenju javnosti prisutnima saopćava predsjednik vijeća ili postupajući sudija na samom ročištu, nakon čega će oni na koje se ta odluka odnosi, biti upućeni da izađu;
2. Ukoliko je za potrebe novinarskog izvještavanja u predmetima Posebnog odjela potrebno u sudnicu unijeti fotoaparatus ili mobitel, onda je neophodna prethodna suglasnost postupajućeg sudije ili predsjednika vijeća, koju možete zatražiti putem e-maila: po.vsfbih@pravosudje.ba, najkasnije 1 (jedan) radni dan prije ročišta, u toku radnog vremena. Printani primjerak e-maila kojim se odobrava unošenje fotoaparata ili mobitela, potrebno je ponijeti sa sobom na ročište, za slučaj da sudska policija nije blagovremeno obaviještena o odobrenju;
3. Ukoliko je u određenom predmetu Posebnog odjela smještajni kapacitet sudnice nedovoljan za neometan rad suda (npr. veliki broj optuženih i branitelja uz veliki broj zainteresiranih osoba koje žele da prisustvuju ročištu), postupajući sudija, odnosno predsjednik vijeća može, u smislu člana 254. stav 1. Zakona o krivičnom postupku Federacije Bosne i Hercegovine (ZKP FBiH), ograničiti broj osoba koje mogu prisustvovati ročištu, vodeći računa o tome da se prisustvo ročištu osigura članovima uže porodice optuženih i predstavnicima medija;
4. Ukoliko se traži filmsko ili televizijsko snimanje, onda je potrebno zatražiti saglasnost predsjednika suda putem e-maila: vsud-fbih.info@pravosudje.ba najkasnije 1 (jedan) radni dan prije ročišta, u toku radnog vremena. Predsjednik suda će u smislu člana 256. stav 3. ZKP FBiH odlučiti o zahtjevu i, ukoliko ga odobri, saglasnost će dostaviti podnositelju, kao i sudskoj policiji u zgradi Posebnog odjela.

S poštovanjem,



Predsjednica Vrhovnog suda
Federacije Bosne i Hercegovine

Dugonjić
Dugonjić mr Božidarka